

Inzko pozdravlja napredak BiH u vezi sa liberalizacijom viznog režima



Visoki predstavnik i specijalni predstavnik EU Valentin Inzko danas je pozdravio prijedlog Evropske komisije da se građanima Bosne i Hercegovine ubrzo omogući putovanje bez viza, nakon što je Bosna i Hercegovina u posljednje vrijeme načinila pomake u ispunjavanju većine uslova za liberalizaciju viznog režima sa EU.

“Ova najava je dokaz da će reforme, kada se provedu sa potrebnom urgencijom i posvećenošću, biti nagrađene i da će biti od direktne koristi svim građanima Bosne i Hercegovine”, rekao je Inzko, podsjećajući na mnoge nedavne prilike kada je morao podsticati ovaj proces koji predstavlja konkretan korak ka Evropi za sve građane Bosne i Hercegovine.

Visoki predstavnik i specijalni predstavnik EU pozvao je vlasti u BiH da iskoriste predstojeće sedmice i mjesec i ispune preostale uslove, tako da ništa ne stoji na putu usvajanja odluke ove jeseni o uspostavljanju bezviznog režima za Bosnu i Hercegovinu.

Evropska komisija je danas predstavila prijedloge kojima će biti omogućeno građanima Bosne i Hercegovine da putuju sa biometrijskim pasošima u zemlje šengenskog područja bez potrebe posjedovanja kratkoročnih viza, pod uslovom da zemlja ispuni preostale uslove.